



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-3219 -3

Dana: 04.08.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine u postupku javne nabavke „Nabavka stalnih sredstava u obliku prava za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **d o n o s i**

O D L U K U

o izboru ponuđača za nabavku stalnih sredstava u obliku prava za potrebe Ministarstva unutrašnjih poslova Kantona Sarajevo

I

Na osnovu Odluke broj 01-11-4-3219 od 25.06.2020. godine i Obavještenja o nabavci broj 1364-1-1-48-3-45/20 od 07.07.2020. godine, proveden je otvoreni postupak nabavke stalnih sredstava u obliku prava za potrebe Ministarstva unutrašnjih poslova Kantona Sarajevo, uz primjenu e-aukcije.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora:

- za LOT 1 – Produženje licenci za mrežnu opremu - ponuđaču "KING ICT" d.o.o. Sarajevo u iznosu 53.000,00 KM bez PDV-a i
- LOT 2 – Nabavka softvera za upravljanje WI-Fi ruterima - ponuđaču "KING ICT" d.o.o. Sarajevo u iznosu 18.794,87 KM bez PDV-a.

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-11-4-3219 od 25.06.2020. godine i Obavještenja o nabavci broj 1364-1-1-48-3-45/20 od 07.07.2020. godine, proveden je otvoreni postupak nabavke stalnih sredstava u obliku prava za potrebe Ministarstva unutrašnjih poslova Kantona Sarajevo, uz primjenu e-aukcije.

Javno otvaranje ponuda izvršeno je dana 29.07.2020. godine u 12:00 sati. Izvršena je kontrola načina uvezivanja ponude, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda i dostavljen ponuđaču u zakonskom roku.

Tendersku dokumentaciju preuzelo je 9 (devet) ponuđača, a prispjela je samo jedna ponuda, i to „KING ICT“ d.o.o. Sarajevo za oba LOT-a.

Komisija je utvrdila da je u postupku nabavke, od strane ponuđača, postavljeno jedno pitanje na koje je odgovoreno u predviđenom roku.

Komisija je izvršila kontrolu dostavljene dokumentacije, način uvezivanja ponude, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je da je dostavljena ponuda formalno-pravno ispravna kako je i predstavljeno u tabeli.

S obzirom da je pristigla samo jedna ponuda nisu se stekli uslovi za zakazivanje e-aukcije.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa čl. 65. i 70. Zakona o javnim nabavkama BiH („Sl. glasnik BiH“ broj 39/14), Komisija je jednoglasno dala preporuku ministru MUP-a KS da donese odluku o dodjeli ugovora za nabavku stalnih sredstava u obliku prava za potrebe Ministarstva unutrašnjih poslova Kantona Sarajevo ponuđaču „KING ICT“ d.o.o. Sarajevo za oba LOT-a u iznosu od 71.794,87 KM bez PDV-a, i to za LOT 1 – Produženje licenci za mrežnu opremu u iznosu 53.000,00 KM a za LOT 2 – Nabavka softvera za upravljanje WI-Fi ruterima u iznosu 18.794,87 KM.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



MINISTAR

mr. Ismir Jasko

DOSTAVITI:

1. Ponuđaču;
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

